

# Buku 'Bundu Tuhan: Konteks dan Transformasi' dilancar

Oleh HENRY BATING

UB 24.5.2017 B3  
PELANCARAN buku 'Bundu Tuhan: Konteks dan Transformasi' hasil tulisan sekumpulan ahli akademik Universiti Malaysia Sabah (UMS) disambut baik penduduk dengan penyertaan menimba ilmu beberapa pengetahuan baharu yang turut dijalankan sebagai program iringan.

Dekan Pusat Penataran Ilmu dan Bahasa (PPIB) UMS Prof Madya Dr Jualang @Azlan Gansau dalam taklimatnya mengenai industri 'kelulut' memberi pilihan kepada penduduk untuk menceburi satu lagi industri desa yang mampu menjana pulangan lumayan.

"Sempena pelancaran buku ini, beberapa program dilaksanakan bertujuan memberi manfaat secara praktikal kepada penduduk kampung untuk mempelbagaikan sumber pendapatan," katanya.

Program lain yang dijalankan 19 Mei itu ialah taklimat e-Digital oleh Perpustakaan Negeri Sabah (PNS), taklimat e-Keusahawanan oleh Dr Bonaventure Boniface dan peranan pos Malaysia dalam perniagaan atas talian oleh Andy Roy Sian.

Buku terbitan PNS itu dibiayai oleh dua wakil rakyat asal Bundu Tuhan Dr Joachim



**PENDUDUK** mempraktikkan kaedah pemindahan kelulut ke sarang baharu.

Gunsalam (Adun Kundasang) dan Datuk Dr Ewon Ebin (Ahli Parlimen Ranau).


Ewon dan Joachim menyambut baik program itu dengan menyifatkannya sebagai ruang pembahagian kepakaran dan maklumat kepada penduduk untuk

sedia ada.

Beberapa responden yang menjadi rujukan penulisan buku itu seperti Brother Ben, Aki Abas Rinting, KK Gopog Godsung dan KK Sumbing Kunad telah pergi sebelum sempat menatap hasil sumbangan mereka dalam bentuk buku.

Buku itu merupakan tulisan bersama yang diketuai mantan Dekan PPIB Prof Dr Vincent Pang dibantu penulis lain seperti Prof Madya Dr Justin Sentian, Prof Madya Dr Andreas Totu, Dr Dayu Sansalu, Dr Sanen Marshall, Budi Anto Mohd Tamring, Veronica Petrus Atin, Chelster Sherralyn J Pudin, Nurul Nazirah Hamzah dan Nelson Justin Adeh.

Wakil penduduk, Johny Ghanie berharap buku itu bukan sahaja memberi manfaat kepada penduduk Bundu Tuhan tetapi juga kepada masyarakat umum khususnya generasi muda.



memasuki bidang usaha baharu sebagai tambahan kepada sumber pendapatan



**BARISAN** Penulis dan penduduk Kg Bundu Tuhan bergambar bersama Joachim.